

Na osnovu člana 70. Kolektivni ugovor za službenike organa uprave i sudske vlasti u Federaciji Bosne i Hercegovine („Sl. novine FBiH“, br. 16/18), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine u sastavu Alen Taletović, pomoćnik ministra pravde FBiH i Amila Gajević, stručni savjetnik u Federalnom ministarstvu rada i socijalne politike kao predstavnici Vlade FBiH, te Samir Kurtović i Višnja Ljubijankić kao predstavnici Samostalnog sindikata službenika organa uprave i sudske vlasti u Federaciji Bosne i Hercegovine, povodom zahtjeva Grada Mostara br. 02-05-16841/18 od 11.12.2018. godine za tumačenje odredbe iz člana 34. Kolektivnog ugovora za službenike organa uprave i sudske vlasti u Federaciji Bosne i Hercegovine, na XIII sjednici održanoj dana 24.01.2019. godine donosi

ODLUKU

I

Utvrđuje se tumačenje odredbe iz člana 34. stav (1) Kolektivnog ugovora za službenike organa uprave i sudske vlasti u Federaciji Bosne i Hercegovine, i to kako slijedi:
„Državni službenici ili namještenici, u slučaju teške bolesti sebe ili člana svoje uže porodice, imaju pravo na isplatu jednokratne novčane pomoći u visini od 1-2 prosječne neto plaće isplaćene u FBiH prema zadnjem objavljenom statističkom podatku, i to na način da se ovo pravo iscrpljuje po jednom konkretnom slučaju, ali da se to ograničenje ne odnosi na druge slučajeve odnosno na druga lica iz kruga članova uže porodice ili na sasvim druge nastale bolesti.“

II

Ova odluka dostaviće se podnosiocu zahtjeva putem Federalnog ministarstva pravde.

III

U skladu sa odredbama iz člana 70. stav 6. Kolektivnog ugovora za službenike organa uprave i sudske vlasti u Federaciji Bosne i Hercegovine, ovu odluku su dužne poštovati sve ugovorne strane ugovora.


br. 03-49-4337/18

dana 24.01.2019. godine, Sarajevo


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Alen Taletović



Amila Gajević



Samir Kurtović



Višnja Ljubijankić